

Celebracion di cuarto edicion di 'Vow Renewal' na Eagle Beach



Aruba ayera a celebra e di 4 edicion di "Vow Renewal" na Eagle Beach Parehanan a bisa si na otro un biaha mas durante e ceremonia di renobacion di voto di matrimonio mas grandi di Caribe!

Despues di 2 aña di break, di ahuebs ultimo a tuma lugar e di 4 edicion di Aruba su 'Vow Renewal'

Ronella Croes, CEO di A.T.A. a remarca: "Aruba ta contento di por invita parehanan pa ta parti di e tradicion romantico aki na

Aruba. A honra parehanan full rond mundo cu a scoge Aruba como e destino pa celebra nan amor."

Por a conta cu parehanan cu ta casa algun aña y otronan cu hopi aña casa, incluyendo parehanan cu mas di 50 aña casa.

E evento aki a trece cobertura pa Aruba, particularmente den e segmento di romance, un segmento cu ta ricibi hopi atencion di A.T.A. y socionan den mercado.



Homenahe na Mama Sandra Hurtado q.e.p.d.

E proceso di transformacion y bida

Obra di Gustave Nouel y Mo Mohamed algo impresionante. Arte ta uni nacionnan. E ta transforma bida y masha hopi bez e ta sirbi pa duna homenahe na un persona, hecho, luga of pasion. San Nicolas a wordo transforma desde 2016 pa su arte fantastico reconoci rond mundo henter. Y ta aki ta unda cu actualmente dos artista local conoci Internacionalmente pa nan bida, obra y escritoranan, a uni pa hunto realisa e Proyecto Barbulet Monarch.

Den e ex edificio di American Bar cu awe ta un Outreach Center pa mas di 80 adicto ambulante bao di e nomber Cas di Restauracion, e artistanan Gustave Nouel re-enfora pa e artista grandi di San Nicolas, Mo Mohamed a pone nan forzanan artistico hunto pa crea e Proyecto pa transforma y rindi homenahe na un sra. ehemplar cu pa decada a biaha full mundo pa



yuda esunnan den necesidad cu fe y Speransa.

Mama Sandra" na bida yama Sandra Hurtado tabata labor ana Departamento di Cultura tempo cu esaki tabata situa ainda banda di Misa na Playa y semper e tene e artista den halto y a stima arte den su totalidad. Conoci na San Nicolas den su auto chikito dunado esunnan cu ms mester cuminda paña y semper cu e idea di trata na reintegra esun cu ta pasa den necesidad back den sociedad.

Na Hulanda, Gustave Nouel, despues di ricibi e yamado di Eliaquin Moraga tocante e trabao di "Mama Sandra" y mesora a tuma contacto cu Tito Bolivar di ArtisA Gallery, pa hunto apoya y purba di trese e bon causa aki den publicidad atraves di Arte.

ArtisA, cu ta biba e situacion di esunnan adicto ambulante na San Nicolas di serca no a ria pa saca un man y yuda pa cu e proyecto aki. Gustave Nouel ta un di e artistanan cu semper a para tras di e proyecto di Arte na



San Nicolas y a participa na e prome ruba Art Fair grandemente.

E cas di Restauracion lo mira un di su muralnan sea transforma pa e dos grandinan aki di un obra un tiki rustico. For di colornan abstracto poco poco por mira e transformacion di primeramente un webo cu ta converti su mes den un rups y despues ta sumergi den un barbulete grandi cu ta hiba e nomber di Monarch cu bo ta mira masha hopi den Parke Arikok conoci

pa su beyeza colorido y exotico. Simbolizando asina e transformacion y bida.

ArtisA ta hopi orguyoso di por aporta den e transformacion di San Nicolas, y asisti tur artista cu nan Proyecto y asina poco a poco yegando na e culminacion na fin di anja cu ta Aruba Art Fair November 2,3,4, den Promenade di San Nicolas. Na unda 15 muraya nobo lo ser crea y 10 muraya lo ser restaura. Keda pendiente pa mas informacion of bishita nos website www.arubartfair.org.